



LAPORAN LIPUTAN MEDIA

RABU / 13 SEPTEMBER 2023

- 1. SISTEM PENGAIRAN DI KAWASAN MADA PERLU DINAIK TARAF – BERITA HARIAN**
- 2. KAWASAN TANAMAN PADI SABAH DIPERLUAS – BERITA HARIAN**
- 3. PEMBORONG GUNA KAMPIT BERAS TEMPATAN – KOSMO**
- 4. TIME TO FIX LOPSIDED RICE INDUSTRY – NEW STRAIT TIMES**
- 5. BERAS MAKIN MAHAL, KADAR ZAKAT FITRAH NAIK? – UTUSAN MALAYSIA**
- 6. PEMBORONG JANGAN GUNA KAMPIT BERAS BPT BUNGKUS BERAS IMPORT – UTUSAN MALAYSIA**
- 7. JADIKAN BAJA, RACUN SAWAH PADI BARANG KAWALAN**

DISEDIAKAN OLEH:

CAWANGAN KOMUNIKASI KORPORAT (MADA)

KERATAN AKHBAR : BERITA HARIAN
TARIKH : 13 SEPTEMBER 2023
PERKARA : ISU SEMASA

Sistem pengairan di kawasan MADA perlu dinaik taraf

Alor Setar: Keadaan infrastruktur terutama sistem pengairan di kawasan Lembaga Kemajuan Pertanian Muda (MADA) berada dalam keadaan uzur dan memerlukan perhatian khusus, sekiranya sasaran tanaman padi lima kali dalam dua tahun mahu dilaksanakan.

EXCO Pertubuhan Persaudaraan Pesawah Malaysia (PeSAWAH), Abdul Rashid Yob berkata, infrastruktur terutama sistem pengairan kawasan MADA berada dalam keadaan uzur dan memerlukan perhatian khusus sekiranya sasaran tanaman padi lima kali dalam dua tahun mahu dilaksanakan.

Beliau berkat, pihaknya menyambut baik kesediaan kerajaan Pusat melabur sehingga RM3 bilion di kawasan tanaman padi itu bagi meningkatkan pengeluaran makanan negara.

"PeSAWAH menyambut baik peruntukan diumumkan Perdana Menteri, Datuk Seri Anwar Ibrahim ketika membentangkan usul Kajian Separuh Penggal Rancangan Malaysia Ke-12 (RMK12) di Dewan Rakyat kelmarin.

"Jumlah RM3 bilion yang dibentangkan Perdana Menteri adalah besar dan sudah pasti membabitkan pelbagai proses di keseluruhan kawasan MADA, termasuk pengurusan dan penyelenggaraan sawah yang sangat penting.

"Kawasan MADA seluas kira-kira 100,000 hektar berkait rapat dengan pengairan, sudah pasti perkara terpenting adalah menaik taraf serta penyelenggaraan infrastruktur saluran terbabit perlu menjadi keutamaan," katanya ketika dihubungi di sini, semalam.

Abdul Rashid berkata, ketika ini peruntukan bagi menyelenggara sistem saluran sawah hanya RM40 juta setahun yang disalurkan melalui agensi berkaitan di seluruh negara.

Jelasnya, jumlah itu adalah rendah kerana seluruh kawasan tanaman sawah memerlukan peruntukan kira-kira RM230 juta setahun bagi memastikan setiap sistem saluran berfungsi baik, sekali gus dapat meningkatkan pengeluaran padi negara.

"PeSAWAH mengambil serius masalah ini kerana sistem pengairan sekarang terutama di kawasan MADA berada dalam keadaan uzur.

"Perkara ini menimbulkan masalah kepada sebahagian petani kerana sawah mereka sering berlaku 'banjir' akibat sistem saluran," katanya.

KERATAN AKHBAR : BERITA HARIAN

TARIKH : 13 SEPTEMBER 2023

PERKARA : ISU SEMASA

Kawasan tanaman padi Sabah diperluas

Kuala Lumpur: Kementerian Pertanian dan Keterjaminan Makanan (KPKM) akan memperluas kawasan tanaman padi di Sabah dalam usaha mengatasi kekurangan bekalan makanan ruji rakyat Malaysia itu.

Menterinya, Datuk Seri Mohamad Sabu dijadual berbincang dengan Menteri Pertanian, Perikanan dan Industri Makanan Sabah, Datuk Seri Dr Jeffrey Kitingan bagi tujuan itu, hari ini.

Menerusi pertemuan itu, Mohamad dijangka mengemuka cadangan penanaman padi berskala besar di Sabah, menggunakan kaedah dan teknologi yang diperkenal agensi Persekutuan, selari hasrat mengatasi isu kekurangan beras di pasaran.

"Usaha ini (membuka ladang padi berskala besar di Sabah) kalau kita buat dengan kaedah dan teknologi yang betul. Insya-Alah, kita boleh capai. Cuma, saya hairan kenapa usaha mencukupkan (bekalan) beras di negara ini dibiarkan begitu lama.

"Kini, apabila India mahu kurangkan eksport (beras) mereka, kita menghadapi masalah. Namun, kita akan cari kaedah mengatasinya.

"Pada masa terdekat, kita akan



Mohamad (dua dari kanan) menyempurnakan perasmian Pavillion KPKM @ MIHAS 2023 di Pusat Pameran dan Dagangan Antarabangsa Malaysia (MITEC), Kuala Lumpur, semalam. (Foto BERNAMA)

cuba pelbagai kaedah dan semua pihak perlu bekerjasama, termasuk kerajaan negeri yang memiliki kuasa mengenai tanah.

"Sekuriti makanan bukan soal politik. Sebaliknya, isu kemanusiaan dan saya bersedia menghadapi situasi ini dengan pasukan saya yang gigih bekerja mengatasi isu ini," katanya di sini, semalam.

Terdahulu, pada 2 September

lalu, pengilang padi dan pemborong beras negara dilaporkan diminta untuk meningkatkan bekalan beras putih tempatan sebanyak 20 peratus menerusi program khas sebagai langkah intervensi memulihkan bekalan itu di pasaran.

Kementerian memaklumkan, hasrat itu sudah dipersetujui pengilang padi dan pemborong beras dalam satu sesi libat urus

pada 27 Ogos lalu, di Alor Setar, Kedah untuk memberikan kuota tambahan itu kepada kerajaan menerusi Padiberas Nasional Bhd (BERNAS).

Mohamad turut optimis menoktahkan isu itu menerusi pelbagai inisiatif dirangka bagi jangka pendek dan panjang, termasuk perluas penggunaan teknologi tanaman padi di Sekinchan, Selangor ke kawasan lain.

KERATAN AKHBAR : KOSMO
TARIKH : 13 SEPTEMBER 2023
PERKARA : ISU SEMASA

Pemborong guna kampil beras tempatan

ALOR SETAR – Seorang pemborong beras diberi amaran oleh pihak Kawal Selia Padi dan Beras Kedah kerana menggunakan kampil beras putih tempatan (BPT) untuk membungkus beras putih import (BPI) di negeri itu.

Pengarah Kawal Selia Padi dan Beras Kedah, Mohamad Nornizam Ramly berkata, pihaknya melakukan pemeriksaan terhadap premis tersebut di Pekan Teroi, Guar Chempedak kelmarin setelah menerima aduan berhubung perkara itu.

Katanya, tindakan itu bagi memastikan pengguna tidak keliru atau ragu dengan penjualan beras tersebut kerana pemborong berkenaan turut meletakkan pelekat berwarna biru yang menjadi 'identiti' bagi beras import untuk menutup tulisan 'beras tempatan' pada kampil berkenaan.

"Hasil semakan dokumen in-vois belian, jualan dan pemerik-

saan fizikal, pemborong itu didapati hanya membuat pembungkusan dan penjualan beras import. Dia bagaimanapun memberi alasan bahawa tindakannya membungkus BPI dengan kampil BPT adalah untuk menghabiskan stok kampil sedia ada.

"Sehubungan itu, dia diberi amaran untuk tidak lagi menggunakan kampil BPT bagi membungkus BPI kerana tindakan sedemikian akan menimbulkan kekeliruan serta keraguan kepada pengguna," katanya ketika dihubungi di sini semalam.

Tindakan pemborong tersebut menyebabkan ada individu membuat video untuk menunjukkan penggunaan pelekat bagi menutup perkataan 'beras tempatan' pada kampil itu.

Perkara itu dikhuatiri menimbulkan pelbagai spekulasi dalam kalangan pengguna ketika bekalan beras tempatan dikatakan berkurangan di pasaran ketika ini.



KAMPIT beras tempatan yang digunakan untuk membungkus beras import di sebuah premis pemborong di Guar Chempedak semalam.

KERATAN AKHBAR : NEW STRAIT TIMES

TARIKH : 13 SEPTEMBER 2023

PERKARA : ISU SEMASA

FARMERS NOT ENJOYING HIGH PRICES

Time to fix lopsided rice industry

RICE is a staple food for many. In Kelantan, we just cannot live without at least one rice meal a day. The state is known for its many rice specialties, such as nasi dagang, nasi kerabu, nasi berlauk, and more.

It was no surprise that the recent hike in world rice prices caused a stir in Kelantan. Changing global weather patterns, attributed to the climate crisis, has wreaked havoc on rice harvests.

Inadequate rain or rainfall arriving at the wrong time has created a major upset among rice growers. Yields in many of the major producer countries have been badly affected.

The reduced harvests have forced many major rice producing nations to cut exports, including India, the world's largest exporter of white rice. Their priority is domestic needs.

Since world demand is high, the inevitable result is the rise in prices to a level that affects affordability, especially for the poor. As a net importer of rice, we will feel the effects of the crisis.

It has been reported that rice prices surged to their highest in



**DR AHMAD
IBRAHIM**

almost 12 years. The Food and Agriculture Organisation All Rice Price Index for July rose 2.8 per cent to 129.7 points. The figure is up 19.7 per cent compared with a year ago, and the highest nominal value since September 2011.

The sharpest increase in price came from Thailand. The report stated that concerns over the potential impacts of El Nino on production among some suppliers further underpinned price hikes, as did rain-induced interruptions and quality variability in Vietnam's ongoing summer-autumn harvest.

El Nino is a climate phenomenon marked by extreme temperatures and weather conditions that could interrupt lives and livelihoods.

India's ban on exports of non-basmati white rice on July 20 came as the government seeks to cap soaring food prices at home, and ensure enough affordable supplies domestically. The country accounts for more than 40 per cent of the global rice trade.

Even if it affects a portion of India's overall rice shipments, FAO noted that India's export restriction raises substantial food security concerns for a large swathe of the world population. El Nino could further exacerbate risks on global production.

Thailand, the world's second largest exporter of rice, is now encouraging farmers to plant less of the crop in a bid to save water as a result of low rainfall. The irony of it all is that most rice farmers are poor.

The high world price does not trickle down much to them. Such economic gains mainly go to the processors and the people involved in logistics. It is a real dilemma.

Experts watching such a dichotomy have long proposed the need to structurally reform the sector. Much of these warnings have fallen on deaf ears.



Padi seedlings at a farm in Selangor. Low-quality planting materials are among the reasons for Malaysia's poor rice yields. PIC BY ASYRAF HAMZAH

One suggestion is rice farmers form cooperatives and undertake the milling and marketing themselves. In this age of e-commerce, that is not impossible. Despite many years of research and development to improve rice yields, Malaysia's national average harvest remains low and stagnating.

There are many reasons for this. One is the low-quality planting materials used by farmers. The supply of high-quality planting materials has not been properly supervised.

Next, the fertilisation of the crops has been largely compromised. The common explanation is that the government-subsidised fertilisers have not been properly applied. There have been claims of fertilisers being sold on the black market.

Farmers have also complained of poor irrigation infrastructure. Many blame the poor adoption of

the latest technology for the low yields.

It is time to address this supply chain deficiency. We cannot forever blame the climate. Adaptation measures must be developed to help farmers cope with climate related problems.

More importantly, there should be serious study on the compensation received at each level of the value chain. There should be structural reform to put in place a more equitable distribution of the returns.

Now, it is lopsided. Processors, distributors and marketers are better compensated than farmers. We must not forget that farmers form the most critical part of the value chain. No farmers, no rice industry.

The writer is a professor at the Tan Sri Omar Centre for STI Policy, UCSI University

AMREE AHMAD



SEPERTI juga masyarakat Islam yang menetap di Selangor tetapi bertugas di Putrajaya, saya tidak pun risu kerana kadar zakat fitrah adalah sama dengan Wilayah Persekutuan. Bagaimanapun, saya kekal membayar tuntutan itu di negeri ini kerana berpegang nasihat kebanyakan ulama yang berpendapat, ia adal dibayar di tempat kita bermastautin.

Usahlah bergaduh mengenai isu ini kerana bukan itu yang ingin disentuh, namun saya tertarik perihal kekecohan kekurangan beras standard super tempatan (SST) di pasaran kini. Natijahnya, sebahagian besar umat Islam terpaksa beralih kepada beras import yang agak mahal kerana ia tidak disekat oleh kerajaan di bawah Akta Kawalan Padi dan Beras 1994.

Perkara ini mungkin tampak kecil tetapi jenis beras dimakan ruji secara teknikal ada kaitan dengan kadar zakat fitrah setiap kali Ramadan yang dikira berdasarkan gred komoditi itu. Isu tersebut disuarakan aktivis pengguna Islam tempatan, Harik Fauzi yang memberikan amaran bahawa nisab zakat ini dijangka meningkat ekoran tempas situasi kemelut beras.

Ketika saya bertemunya baru-baru ini, beliau mahu umat Islam di negara ini bersiap sedia kebarangkalian kadar zakat itu naik dek lonjakan harga beras import tanpa kawalan. Ramai menyalahkan gejala pembelian panik pengguna dalam jumlah besar produk beras SST yang dikawal harganya malar RM26 bagi sekampit 10 kilogram.

"Saya kesal tindakan kelompok ini menyusahkan rakyat marhaen yang tiada pilihan terpaksa beli beras luar dan akhirnya secara syarak kena bayar zakat fitrah lebih tinggi," katanya.

Zakat ini merupakan kewajipan ibadah sepanjang Ramadan dengan tahun depannya pula dijangka bermula 11 Mac bergantung pengisytiharan Penyimpan Mohor Besar Raja-Raja. Pada Ramadan lalu, 10 negeri menetapkan kadar minimum zakat sebanyak RM7 seorang



NISAB zakat fitrah di setiap negeri adalah berbeza berdasarkan kepada harga beras mengikut gred. - UTUSAN/MUHAMAD IQBAL ROSLI

Beras makin mahal, kadar zakat fitrah naik?

manakala Kedah buat julung kali mewartakan nisab terendah, iaitu RM6.50.

Sementara Terengganu muncul pertama kali mewartakan nisab paling rendah zakat fitrah yang tertinggi di Malaysia, iaitu RM8 berbanding cuma RM7 ditetapkannya sejak 2016. Malah, negeri itu mencipta sejarah pada Ramadan lepas apabila buat julung kali selepas tujuh tahun yang hanya ada satu kadar tetapi kali ini telah menetapkan tiga nisab berbeza.

Lebih mengejutkan pelbagai pihak apabila Terengganu tahun ini turut mewartakan kadar maksimum zakat fitrah paling tinggi di Malaysia, iaitu RM24 untuk setiap individu T20.

BASMATI

Mengulas lebih lanjut, Harik bagaimanapun berpandangan, nisab minimum zakat berkenaan mungkin tiada masalah boleh dikekalkan lagi tetapi tidak untuk kadar tertinggi.

"Beras putih SST yang lazim dimakan golongan B40 memang ditetapkan kerajaan kerana ada akta khusus sejak 30 tahun lepas, namun tidak untuk beras diimport,"

KADAR ZAKAT FITRAH 1444 HIJRAH/2023 MASIHI

Negeri	Kadar
Johor	RM7 / RM13
Kedah	RM6.50 / RM7 / RM14 / RM21
Kelantan	RM7 / RM14 / RM21
Melaka	RM7 / RM14 / RM21
Negeri Sembilan	RM7 / RM10 / RM21
Pahang	RM7 / RM14 / RM21
Perak	RM7 / RM14 / RM21
Perlis	RM7
Pulau Pinang	RM7 / RM13 / RM20
Selangor	RM7 / RM14 / RM21
Terengganu	RM8 / RM10 / RM24
Sabah	RM7
Sarawak	RM7
Wilayah Persekutuan	RM7 / RM14 / RM21

tambah beliau.

Justeru ujarnya, secara congak mudah, umat Islam bergaji M40 dan T20 dijangka wajar bersiap sedia kebarangkalian kadar zakat fitrah medium dan maksimum yang melonjak.

Berdasarkan rekod Ramadan lepas, hanya Kedah, Kelantan, Pahang, Perak, Selangor dan ketiga-tiga Wilayah Persekutuan telah mewartakan nisab sederhana sebanyak RM14. Johor dan

Pulau Pinang mewartakan kadar medium setakat RM13 manakala bagi mereka yang berada di Terengganu dan Negeri Sembilan pula cuma dikenakan membayar RM10.

Umat Islam di Perlis, Sabah dan Sarawak pada Ramadan lepas, jelas Harik, bernasib baik hanya ada satu nisab, iaitu RM7 tetapi apakah akan kekal lagi atau berubah tahun depan? Kali terakhir Perlis menaikkan nisab itu ialah pada 2016, iaitu sebanyak 50

sen selepas Sarawak menokok nilai sama pada 2014 dan Sabah pada 2011 yang menambahnya 20 sen.

Kelazimannya, kadar sederhana dikira merujuk kepada gred beras super import, beras perang, beras pulut, herba ponni, beras wangi, beras calrose, beras poney ataupun setaraf. Kadar mahal pula kebiasaannya dihitung ke atas individu Muslim yang sering kali makan beras jenis basmati, beras Jepun, beras merah atau gred setaraf dengan beras tersebut.

Nisab zakat fitrah setiap negeri adalah berbeza berdasarkan kepada harga beras mengikut gred pada ukur berat timbang satu gantang Baghdad atau kira-kira 2.6 kilogram. Kewajipan tersebut hendaklah dibayar bermula dari 1 Ramadan sehinggalah sebelum solat sunat Hari Raya Aidilfitri pada pagi 1 Syawal kelak menerusi pelbagai kaedah pembayaran.

Persoalannya, apakah umat Islam sudah bersedia menerima kejutan isu kenaikan kadar zakat fitrah disebabkan masalah bekalan beras terutama bagi yang berkeluarga besar?

KERATAN AKHBAR : UTIUSAN MALAYSIA

TARIKH : 13 SEPTEMBER 2023

PERKARA : ISU SEMASA

Pemborong jangan guna kampil BPT bungkus beras import

ALOR SETAR: Seorang pemborong beras diberi amaran oleh pihak Kawal Selia Padi dan Beras Kedah kerana menggunakan kampil beras putih tempatan (BPT) untuk membungkus beras putih import (BPI) di negeri ini.

Pengarah Kawal Selia Padi dan Beras Kedah, Mohamad Normizam Ramly berkata, pihaknya melakukan pemeriksaan di sebuah premis di Pekan Teroi, Guar Chempedak semalam setelah menerima aduan berhubung perkara itu.

Katanya, tindakan itu bagi memastikan pengguna tidak terkeliru atau ragu dengan penjualan beras tersebut kerana pemborong terbabit turut meletakkan pelekat berwarna biru yang menjadi 'identiti' beras import bagi menutup label 'beras tempatan'.

"Hasil semakan dokumen invoice belian, jualan dan pemeriksaan fizikal, pemborong itu didapati hanya membuat pembungkusan dan penjualan beras import.

"Dia memberi alasan tindakannya membungkus BPI dengan menggunakan kampil BPT adalah untuk menghabiskan



KAMPIT beras tempatan yang digunakan untuk membungkus beras import oleh seorang pemborong beras di Pekan Teroi, Guar Chempedak di Yan.

stok kampil sedia ada.

"Sehubungan itu, dia diberi amaran untuk tidak lagi guna kampil BPT bagi membungkus BPI kerana tindakan itu akan menimbulkan kekeliruan serta keraguan kepada pengguna," katanya ketika dihubungi di sini, semalam.

Tindakan pemborong tersebut menyebabkan ada individu yang membuat video untuk menunjukkan penggunaan

pelekat bagi menutup perkataan 'beras tempatan' pada kampil berkenaan.

Perkara itu turut menimbulkan pelbagai spekulasi dalam kalangan pengguna ketika bekalan beras tempatan dikatakan berkurang di pasaran, ketika ini.

Mengulas lanjut, Mohamad Normizam berkata, pemborong berkenaan mengambil maklum dan akur dengan amaran dikeluarkan terhadapnya.

KERATAN AKHBAR : UTUSAN MALAYSIA

TARIKH : 13 SEPTEMBER 2023

PERKARA : ISU SEMASA

Jadikan baja, racun sawah padi barang kawalan

SHAH ALAM: Baja dan racun perlu dijadikan sebagai barang kawalan bagi memastikan harga keperluan tersebut tidak membebankan pesawah dan boleh meningkatkan hasil padi.

Kawalan terhadap barangan tersebut dipercayai dapat mengurangkan beban yang ditanggung oleh pesawah walaupun mereka menerima subsidi bagi keperluan tersebut antara RM200 hingga RM1,800 bagi setiap hektar sawah.

Bekas Menteri Pertanian dan Industri Asas Tani, Tan Sri Noh Omar berkata, kos barangan keperluan itu meningkat hampir dua kali ganda berbanding tahun-tahun sebelum ini apabila ia boleh didapati pada harga kurang RM100 satu beg.

“Dahulu saya tak dapat laksanakan kerana bidang kuasanya di bawah Kementerian Perdagangan Dalam Negeri dan Hal Ehwal Pengguna (KPDN-HEP) yang memberikan alasan baja dan racun adalah barangan import dan tak boleh dikawal.

“Kalau dapat dikawal, saya yakin petani akan mampu meridapatkan baja dan racun mencukupi seperti diperlukan

dalam penghasilan padi, jika mereka mampu beli mungkin hasil padi akan dapat dinaikkan,” katanya ketika dihubungi *Utusan Malaysia*.

Tambahnya, pesawah mengeluh apabila subsidi yang diberikan tidak mencukupi sebaliknya perlu menambah kewangan sendiri bagi memastikan padi dapat dihasilkan.

Dalam pada itu, beliau turut mengulas laporan Mingguan Malaysia pada Ahad lalu berkenaan kegagalan pelaksanaan projek tanaman padi lima musim dua tahun di negeri ini yang didakwa dilakukan ketika beliau memegang portfolio berkaitan pertanian.

Menurutnya, sebelum kerajaan mengumumkan pelaksanaan penanaman padi lima musim, dua tahun, kaedah tersebut sudah pun dilakukannya di empat blok 180 hektar sawah di Kampung Sawah Sempadan, Tanjong Karang.

“Kerajaan patut kaji dahulu dan merujuk kepada laporan daripada kementerian pertanian (Kementerian Pertanian dan Keterjaminan Makanan) berkenaan projek tersebut pada 2015 hingga 2016.